

**STRUČNA SLUŽBA ZA ZAJEDNIČKE POSLOVE KANTONA SARAJEVO**, ulica Reisa Džmealudina Čauševića br. 1, 71000 Sarajevo, koju zastupa načelnik Fikret Jašarević, (u daljem tekstu Kupac)

i

„**WLD**“ **d.o.o. Sarajevo**, ul. Braće Baljić br. 1a, 71 000 Sarajevo, ID broj: 4202233830000, koga zastupa direktor Palavra Enver (u daljem tekstu Prodavac) sklapaju:

**UGOVOR br. 17-14-1421-3  
o uvjetima kupoprodaje robe**

**Član 1.**

Ovim ugovorom ugovorne strane utvrđuju prava i obaveze vezane za nabavku kafe za potrebe organa Kantona Sarajevo u 2020. godini, iz prodajnog programa prodavca u skladu sa ponudom broj: 32/2020 od 24.01.202. godine, dostavljene po pozivu za ponudom za nabavku kafe, putem direktnog sporazuma. Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati iste proizvode prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

**Član 2.**

Kupoprodaja proizvoda iz ovog Ugovora obaviti će se po cijenama i kvalitetu prihvaćene ponude broj: 32/2020 od 24.01.202. godine, u vrijednosti od:

<b>Red. br.</b>	<b>Artikal/Opis</b>	<b>Količina</b>	<b>Jed. mjere</b>	<b>Jedinična cijena bez PDV-a</b>	<b>Ukupna cijena bez PDV-a</b>
1.	Kafa „Zlatna džezva“	448	kg	11,457 KM	5.132,73 KM
2.	Espresso kafa "Vispak"	36	kg	23,94 KM	861,84 KM
		<b>UKUPNO BEZ PDV-a</b>		<b>5.994,57 KM</b>	
			<b>PDV 17%</b>	<b>1.019,08 KM</b>	
		<b>UKUPNO SA PDV-om</b>		<b>7.013,65 KM</b>	

Slovima: (sedamhiljadatrinaest 65/100)

**Član 3.**

Isporuka kafe „Zlatna džezva“ izvršiti će se u dva djela, i to: 50% od ugovorene količine isporučiti će se odmah po potpisivanju ugovora, a ostatak isporuke od 50% izvršiti u 6. mjesecu 2020. godine. Isporuku espresso kafe „Vispak“ izvršiti odmah nakon potpisivanja ugovora, po ugovorenim količinama.

#### **Član 4.**

Kvalitativni i kvantitativni prijem proizvoda iz ovog Ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po pozivu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

#### **Član 5.**

Prodavac je dužan da odmah po dobijanju zapisnika sa utvrđenim nedostacima, provjeri istinitost predloženih navoda i ukoliko se potvrdi tačnost iznesenih argumenata, dužan je „odmah“, a najduže u roku od 48 sati ukloniti nedostatke (izvršiti zamjenu robe)

Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati Prodavcu.

Također, Kupac zadržava pravo jednostranog raskida ugovora ukoliko se utvrdi da Prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog Ugovora.

#### **Član 6.**

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

#### **Član 7.**

Prodavac će fakturisati isporučene proizvode po cijenama iz prihvaćene ponude broj: 32/2020 od 24.01.202. godine, prihvaćene po pozivu za nabavku kafe za potrebe organa Kantona Sarajevo. Također, Prodavac se obavezuje da će robu isporučiti u roku od jednog (1) dana od dana prijema narudžbe.

#### **Član 8.**

Kupac se obavezuje platiti fakturu prodavcu u zakonskom roku od 30 dana od dana prijema fakture.

#### **Član 9.**

Ugovorne strane su saglasne da će sve izmjene i dopune ovog Ugovora regulisati u skladu sa važećim zakonskim odredbama

#### **Član 10.**

Ovaj Ugovor se počinje primjenjivati danom potpisivanja.

#### **Član 11.**

Ugovorne strane mogu jednostrano otkazati Ugovor pisanim putem sa otkaznim rokom od 15 dana.



**Član 12.**

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

**Član 13.**

Ovaj Ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani

**KUPAC:**

**PRODAVAC:**

**KANTON SARAJEVO**

**Stručna služba za zajedničke poslove**

**Načelnik**

**Fikret Jašarević**

Broj: 17-14-1421-3

Datum: 03.02.2020.god.

**WLD d.o.o**

**Direktor**

**Enver Palavra**

Broj:

Datum: 03.02.2020.god.

